

卷一四三四 冀字

卷一四三五 冀字

永樂大典

百五十

永樂大典卷之一萬四千三百八十四

四霽

冀

洪武正韻吉詣切。說文北方也。徐曰北方之州也。爾雅兩河間兩點。韻上代改大名府。又秦鉅鹿郡地。魏置北冀州。又姓。又欲也。許慎說郭子儀傳異聲。凡利切。劉熙釋名冀州亦取地以為名也。其地有險有易。押者當依亂則冀治。弱則冀疆。荒則冀豐也。陸法言廣韻冀九州名。冀上冀正。又託省。徐偃唐韻居致切。北方州名。故从北。唐玄度九經字樣冀與北方州也。先所郡異於餘州。故从北从異。上說文。下隸省。徐鍇通釋託示反。宋重修廣韻續漢書安平國。故信都郡。光武師薊。南行太守任光開出迎。今州城是。又姓。左傳晉大夫冀芮。丁度集韻州名。張有復古編冀別作冀非。毛先禮部韻畧望也。亦作冀幾。戴侗六書故冀北方州也。借為冀望之冀。與觀通。歐陽德隆押韻釋疑左傳見異缺釋。注冀晉邑也。然其字從兩點。韻上無。梁異同。郭守正紫雲韻漢梁冀。晉陳頤與王導書中興可冀。郭子儀傳中興之功。日月可冀。又此冀字廣韻云字本作冀。經典省作冀。押者當依韻押。此是此冀字。鄭之秀精明韻地名。釋行均龍龕手鑑冀俗。冀正。又託也。楊桓六書統見母。冀說聲。冀隸。冀譌。熊忠韻會舉要角清音。周魏州。唐

改冀州。舜以南北闊大分衛以西為并州。燕以北為幽州。字濤博義吉器切。趙漢聲音大字通冀見意切。又彊直貌。又狠也。作慎。非。漢地志趙俗慎。

悵薛瓚曰。今北土謂彊直為慎中俗字。韻會定正字切見討見經堅冀。

冀

洪武正韻古詣切。尚貢作冀州。

篆書

父辛旅奔

冀師

絳碧

唐古

韻

澤碧

落文

集

貝丘

古尚

書

舟

冀師

集篆古文韻海

徐鉉

六書

統

篆韻

六書

統

統

軍

並鍾鼎文

六書統

隸

書

王純

碑

承

夏

承

承

承

承

碑

劉衡碑並洪

邁漢隸分韻

張納

碑

漢隸字源

書

鍾

蘇

絲

蘇

蘇

蘇

蘇

行

王義

王獻

王渙

柳公

蘇

草

蘇

蘇

蘇

蘇

蘇

蘇

蘇

王

王洽

何

氏

并張

錦溪

鮮于

樞

樞

樞

樞

樞

樞

樞

中冀

羅泌路史後紀太昊氏衰共工惟始作亂振滔洪水以禍天下。隳天網絕地紀覆中冀。

迎囂歸

冀

東漢書隗囂傳王元入蜀求救囂奔西城數月王元行巡周宗將蜀救兵五千餘人乘高卒至鼓譟大呼曰百萬之衆方至漢軍大驚未

及城陳元等決圍殊死戰遂得入城迎囂歸冀。

復置冀州

太平御覽魏志曰太祖拔鄴領冀州牧或說太祖宜復古

置九州冀州所刺者廣天下服矣太祖將從之荀彧曰若是則冀州當得河東馮翊扶風西河幽并之地所奪者衆今分冀州將皆動心一旦生變

天下未易圖也公從之。

殺龍祭冀州

晏元獻公類要女媧殺黑龍以祭淮南子曰往古之時四極廢九州

裂於是女媧殺黑龍以祭冀州。

冀都風水

朱子語類冀都正是天地中間好个風水山脉從雲中發來雲中正高脊

處自脊以西之水則西流入于龍門西河自脊以東之水則東流入于海前面一條黃河環繞右畔是華山聳立為虎自華來至中為嵩山是為前案遂過去為泰山聳于左是為龍淮南諸山是第二重案江南諸山及五嶺又為第三四重案。

冀州

書禹貢冀州。注冀州。帝都之地。三面距河。兗河之西。雍河之東。豫河之北。周禮職方。河內曰冀州是也。八州皆言疆界。而冀不

言者。以餘州所至可見。晁氏曰。亦所以尊京師。示王者無外之意。既載壺口。注經始治之謂之載。壺口。山名。漢地志。在河東郡北屈縣東南。今隰州吉鄉縣也。今按既載云者。冀州帝都之地。禹受命治水所始。在所當先經始壺口等處。以綏河勢。故曰既載。然禹治水施功之序。則皆自下流始。故次兗。次青。次徐。次揚。次荊。次豫。次梁。次雍。兗最下故所先。雍最高故獨後。禹言予決九川。距四海。濬畎澮。距川。即其用工之本末。先決九川之水。以距海。則水之大者有所歸。又濬畎澮。以距川。則水之小者有所泄。皆自下流以疏綏其勢。讀禹貢之書。求禹功之序。當於此詳之。仁山金氏曰。凡禹貢所書之山。多是即山以名其地。非謂獨治其山也。治梁及岐。注梁岐。皆冀州山。梁山。呂梁山也。在今石州離石縣東北。爾雅云。梁山晉望。即冀州呂梁也。呂不韋曰。龍門未闢。呂梁未鑿。河出孟門之上。又春秋梁山崩。左氏穀梁皆以為晉山。則亦指呂梁矣。酈道元謂呂梁之石崇竦。河流激盪。震動天地。此禹既事壺口。乃即治梁岐山。在今汾州介休縣狐岐之山。勝水所出。東北流注于汾。酈道元云。後魏於狐岐置六壁。防離石諸胡。因為

大鎮。今六壁城在勝水之側。實古河運之險阨。二山河水所經。治之所以
開河道也。先儒以為雍州梁岐者非是。曹氏曰。禹於壺口之西開孟門。而
始事於壺口。於梁山之北開龍門。而繼事於梁山。呂氏曰。此禹最用功處。
故首及之。既修太原。至于岳陽。注修。自鯨之功而修之也。廣平曰。太原。今
河東路太原府也。岳。太岳也。周軺方冀州其山鎮曰霍山。地志謂霍太山
即太岳。在河東郡羸縣東。今晉州霍邑也。山南曰陽。即今岳陽縣地也。堯
之所都。楊子雲冀州篇曰。岳陽是都是也。蓋汾水出於太原。經於太岳。東
入于河。北則導汾水也。朱子曰。從太原至岳陽。皆修之也。他所舉山川。皆
先地後績者。觀成功而言也。壺口。梁岐。太原。先績後地者。本用功之始而
言也。豈治之有難易歟。韋懷底績。至于衡漳。注韋懷。地名。地志河內郡有
懷縣。今懷州也。曹氏曰。韋懷。平地也。當在孟津之東。太行之西。洙水出乎
其西。淇水出乎其東。方洪水懷山襄陵之時。而平地致功為難。故曰底績。
衡漳。水名。衡。古橫字。地志漳水二。一出上黨。沾縣大龜谷。今平定軍樂平
縣。少山也。名為清漳。一出上黨。長子縣發鳩山。名為濁漳。鄺道元謂之衡
水。又謂之橫水。東至鄴。合清漳。東北至阜城。入北河。鄴。今潞州涉縣也。阜
城。今定遠軍東光縣也。又按桑欽云。二漳異源。而下流相合。同歸于海。唐

人亦言漳水能獨達于海。諸以為潰。而不云入河者。蓋禹之導河自泮水大陸至碣石入于海。本隨西山下東北去。周定王五年。河徙硤磧。則漸遠而東。漢初。漳猶入河。其後河徙日東。而取漳水益遠。至欽時。河自大伾而下。已非故道。而漳自入海矣。故欽與唐人所言者如此。厥土惟白壤。注漢孔氏曰。無塊曰壤。顏氏曰。柔土曰壤。夏氏曰。周官大司徒辨十有二壤之物。而知其性。以教稼穡樹藝。以土均之法。辨五物九等。制天下之地。任則夫教民樹藝。與因地制育。固不可不先於辨土也。然辨土之宜有二。白以辨其色。壤以辨其性也。蓋草人糞壤之法。駢剛用牛。亦緹用羊。噴壤用麋。渴澤有廐。糞治田疇。谷因色性。而辨其所當用也。魯氏曰。冀州之上。豈皆白壤。云然者。土會之法。從其多者論也。陳大猷曰。白言色。壤言質。水患退而後土性復。色質辨。始可與地判。定賦法也。厥賦惟上上錯。厥田為中中。注賦。田所出穀米兵車之類。錯。雜也。賦第一等。而錯出第二等也。田第五等也。賦高於田四等者。地廣而人稠也。林氏曰。冀州先賦後田者。冀王畿之地。天子所自治。併於場圃園田漆林之類。而征之。如周官載師所載賦。非盡出於田也。故以賦屬于厥土之下。餘州皆田之賦也。故先田而後賦。又按九州九等之賦。皆每州歲入總數。以九州多寡相較。而為九等。非以

是等田而貢其出是等賦也。冀獨不言貢篚者。冀天子封內之地。無所事於貢篚也。朱子曰。常出者為正。間出者為錯。錯在上上之下。則間出第二等也。恒衛既從。大陸既作。注恒衛二水名。恒水。地志出常山郡上曲陽縣。恒山北谷。在今定州曲陽縣西北恒山也。東入滹沱水。薛氏曰。東流合滹水。至瀛州高陽縣入易水。是氏曰。今之恒水。西南流至真定府行唐縣。東流入于滋水。又南流入于衡水。非古逕矣。衛水。地志出常山郡靈壽縣東北。即今真定府靈壽縣也。東入滹沱河。薛氏曰。東北合滹沱河。過信安軍。入易水。從其道也。孫炎曰。大陸鉅麻北廣河澤。河所經也。程氏曰。鉅麻去古河絕遠。河未嘗逕邢。以行鉅麻之廣阿。非是。按爾雅。高平曰陸。大陸云者。西無山阜。曠然平地。蓋禹河自澶相以北。皆行西北之麓。故班馬王橫皆謂載之高地。則古河之在貝冀。以及枯澤之南。率皆穿西山踵趾以行。及其已過信澤之北。則西山勢斷。曠然四平。蓋以北地謂之大陸。乃與下文北至大陸者合。故隋改趙之昭慶。以為大陸縣。唐又割麻城置陸渾縣。皆疑鉅麻之大陸。不與河應。而亦求之向北之地。杜佑。李吉甫。以為邢趙深。三州為大陸者得之。作者言可耕治。水患既息。而平地之廣衍者亦可耕治也。恒衛水小而地遠。大陸地平而近河。故其成功在於田賦之後。呂

氏曰。言水土平於田賦之前者。其害大。當先治也。言於田賦之後者。其害小。徐治之也。島夷皮服。注海曲曰島。海島之夷以皮服來貢也。夷石碣石入于河。注碣石。地志在北平郡驪城縣西南河口之地。今平州之南也。冀州北方貢賦之來。自北海入河。南向西轉。而碣石在其右轉屈之間。故曰夷石也。程氏曰。冀為帝都。東西南三面距河。他州貢賦皆以達河為至。故此三方亦不必書。而其北境則漢遼東。西右北平。漁陽上谷之地。其水如遼。濡。潯。易。皆中焉。不與河通。故必自北海。然後能達河也。又按酈道元言驪城枕海。有石如甬道數十里。當山頂有大石如柱形。韋昭以為碣石。其山昔在河口海濱。故以志其入貢河道。歷世既久。為水所漸淪入于海。已去岸五百餘里矣。戰國策以碣在常山郡。九門縣者恐名偶同。而鄭氏以為九門無此山也。蘇氏曰。夾。挾也。自海入河。逆流而西。右顧碣石。如在挾掖也。薛李宣地理叢考為敦土。隨山刊木。止入于河。禹治水在唐虞間。舜肇十有二州之後。而禹貢為夏書者。治水之後。十二州復為九。故虞書九莩。州自為篇。其平貢以別九州。皆禹之事。而舜無與也。孔氏傳謂禹以是王。故禹貢為夏書。考之於序。蓋夏史追記禹蹟。書其任土作貢之本末。自為夏書之首。非如諸儒之說為孔子遺其篇第也。敦土。行水也。禹之行水。

先有規模。隨山川不以通其道。定高山大川以導其流。數土之事。規模先定者如此。冀州不言疆界所至。王都所在。以四境見之也。水之患無大於河患。冀州東寬。南豫。西雅。三面臨河。碣石又河下流。且其地在京圻。數土國所先也。壺口山在今慈州吉鄉縣。梁山在同州韓城縣。而乾州曄曄縣亦有梁山。在郿岐間。非禹貢之梁山也。岐山在鳳翔岐山縣。太原春秋亦曰。大鹵在太原榆次縣。嶽。即霍泰山也。今晉州有岳陽縣。在巖山南。韋懷古河內地。今為懷州武陟縣。濁漳水出潞州長子縣。東至磁州武安縣入清漳。清漳出平定軍樂平縣。合呼沱易水。東北至滄州清池縣入海。清漳即衡水也。恒水出中山曲陽縣。東流合滏水。至瀛州高陽縣入易。衡水出真定靈壽縣。東北合呼沱。過信安軍入易。大陸地在河北。河道未改。諸水皆入河也。島夷。海上諸夷。狃肅慎之屬。碣石在平州石城縣。梁山在河上。岐山在渭上。禹平冀州水患。先治壺口。通渠岐水道。則冀州上游水患已去。復定太原垂陽諸川。而韋懷以東。衡漳以西。因可致功。土色既辨。種植有宜。而賦稅為可作矣。白壤。白土也。白土最肥。賦上上錯。雜出第一第二等賦。厥田中中。地高下適中也。都畿有賦而無貢。先賦而後田者。貢者諸侯之貢。圻內固無之矣。京師者用取諸圻內。冀州賦稅不一而足。非若

析外之賦。專以田為準也。賦上上錯。而田中中者。地之肥瘠。不係乎田之高下。高下以施地力之政。賦稅視肥瘠爾。恒衛治。而大陸之地可以耕作。記於田賦之後者。冀州河患為大。二水以餘力治之也。島夷以皮為服之國。來王之道。由碣石之道。循海入河。至于冀州云。卷右者。海隅在其左也。禹貢冀州而及梁岐之治。互見之爾。傳稱禹鑿孟門。儒者多未之信。夏書既載壺口。不可誣也。爾雅兩河間曰冀州。郭璞注。自東河至西河。邢為疏釋曰。周禮職方氏云。河內曰冀州。禹貢不說境界。孔安國云。此州帝都。不說境分。以餘州所至即可知。以其禹貢兗州云。濟河自東河以東也。豫州云。荊河自南河以南也。雍州云。西河自西河以西也。明東河之西。西河之東。南河之北。是冀州之境也。言東河。西河。南河者。皆據帝都冀州而言也。按禹貢。導河自積石龍門南流。謂之西河。至於崑崙陰折而東。經底柱孟津間洛汭。皆東流。謂之南河。至於大伾折而北流。遇逢水。至于大陸。又北播為九河。同為逆河入于海。謂之東河。此惟云兩河者。從可知。李巡曰。兩河間其氣清。厥性相近。故曰冀。冀。近也。春秋本末。冀。今平陽府蒲州有冀亭。僖公傳二年。周惠王十九年。晉獻荀息。請以屈產之乘。與垂棘之璧。假道於虞。以伐虢。荀息。荀叔也。屈地生良馬。垂棘出美玉。故以為名。四馬曰

乘。自晉通統。道出於虞。故借道。曰。冀為不道。入自顓軫。伐鄆三門。前年冀伐虞至鄆。鄆。虞邑。河東大陽縣東北有顓軫阪。冀之既病。則亦唯君故。言虞報伐冀使病。將欲假道。故稱虞強以詭其心。冀國名。平陽皮氏縣東北有冀亭。軫音零。文獻通考春秋時可考者。二十三國。晉。衛。邢。魏。

霍。耿。北燕。邴。楊。冀。邠。尹。鼓。肥。黎。潞。陽。共。

鮮虞。赤狄。無終。山戎。秦時為郡十三。鉅麻郡。邯鄲郡。

太原郡。上黨郡。河東郡。三川郡。北境。鴈門郡。遼西郡。右

北平郡。漁陽郡。上谷郡。代郡。雲中郡。西漢書地理志河內曰冀

州。其山鎮曰霍山。顏師古注在平陽永安縣東北。其澤藪曰楊紆。顏師古

注爾雅曰。藪有楊紆。而此以為冀州。未詳其義。及所在。其川漳。其浸汾。潞

潞師古注漳水出上黨長子。汾水出汾陽北山。路出歸德。其利松柏。其民

五男三女。其畜宜牛羊。其穀宜黍稷。

續後漢書冀州。十一郡。漢九。魏二。冀州。禹貢河內之域。建安十七年。

曹操自領州牧。割河內之蕩陰。朝歌。林慮。東郡。衛國。頓丘。東武陽。發千鉅

麻之饗。陶曲陽南。和。廣平之。廣平任城。趙國之。襄國。邯鄲。易陽。以益魏郡。

十八年。分魏郡為東西部。置左右都尉。曹丕篡代。以魏郡東部為陽平。西

部為廣平云。

魏郡。

漢置。

縣八。

鄴。

長樂。

魏。

斥丘。

安陽。

蕩陰。

內黃。

黎陽。

鉅鹿郡。

漢置。

縣二。

廩陶。

鉅鹿。

廣平郡。

魏置。

縣十五。

廣平。

邯鄲。

易陽。

武安。

涉。

襄國。

南和。

任。

曲梁。

列人。

肥鄉。

臨水。

廣年。

斥漳。

平恩。

陽平郡。

魏置。

縣七。

元城。

館陶。

清泉。

發干。

東武陽。

陽平。

樂平。

趙國。

漢置。

縣九。

房子。

元氏。

平棘。

高邑。

中丘。

柏人。

平鄉。

下曲陽。

鄆。

常山國。

漢置。

縣八。

真定。

石邑。

井陘。

上曲陽。

蒲吾。

南行唐。

靈壽。

九門。

中山國。

漢置。

縣八。

盧奴。

魏昌。

新市。

安喜。

蒲陰。

望都。

唐。

北平。

安平國。

漢置。

縣十二。

信都。

下博。

武邑。

武遂。

觀津。

扶抑。

廣宗。經。安平。饒陽。南深澤。安國。

勃海郡。漢置。縣十四。南皮。東光。浮陽。饒安。高城。

重合。東安陵。脩。廣川。阜城。東平舒。文安。章武。

東州。

河間國。漢置。縣十。樂城。武垣。鄭。易城。中水。成平。

博陸。高陽。北新城。蠡吾。

清河國。漢置。縣六。清河。東武城。繹幕。具丘。靈。鄒。

文獻通考漢時為郡國二十四。縣三百七十三。

恒山郡十八縣。元氏。石邑。桑中。靈壽。蒲吾。上曲陽。九門。

井陘。房子。中丘。封斯。關。平棘。鄒。樂陽。

平臺。都鄉。南行唐。

魏郡十八縣。鄴。館陶。斥丘。沙。內黃。清淵。魏。

繁陽。元城。梁期。黎陽。即裴。武始。邯鄲。陰安。

平恩。邯溝。武安。

鉅鹿郡二十縣。鉅鹿。南蠻。廣阿。象氏。廩陶。宋子。楊氏。

臨平。下曲陽。貫。邯。新市。堂陽。安定。欽武。

歷鄉。

趙國四縣。

樂信。武陶。栢鄉。安鄉。邯鄲。易陽。柏人。襄國。

真定國四縣。

真定。藁城。肥鄉。絲曼。

河間國四縣。

樂城。侯井。武隧。弓高。

廣平國十六縣。

廣平。張。朝平。南和。列人。斥章。任。

曲周。

南曲。曲梁。廣鄉。平利。平鄉。陽臺。廣年。

城鄉。

中山國十四縣。盧奴。北平。北新城。唐。深澤。苦陘。安國。

曲逆。

望都。新市。新處。母極。陸成。安險。

河內郡十八縣。

懷。汲。武德。波。山陽。河陽。州。

共。

平皋。朝歌。修武。溫。埜王。獲嘉。軹。

沁水。

隆慮。蕩陰。

信都國十七縣。

信都。歷。扶柳。辟陽。南宮。下博。武邑。

觀津。

高陘。廣川。樂鄉。平陘。桃。西梁。昌成。

東呂。

脩。

太原郡二十一縣。

晉陽。後人。界休。榆次。中都。丁離。茲氏。

狼孟。鄔。孟。平陶。汾陽。京陵。陽曲。大陵。
原平。祁。上艾。慮虎。陽邑。廣武。

廣陽國四縣。薊。方城。廣陽。陰鄉。
涿郡二十九縣。涿。道。穀丘。故安。南深澤。范陽。蠡吾。

容城。易。廣望。鄭。高陽。州鄉。安寧。樊興。
成。良鄉。利鄉。臨鄉。蓋昌。陽鄉。西鄉。饒陽。

中水。武垣。阿陵。阿武。高郭。新昌。
上黨郡十四縣。長子。屯留。余吾。銅錕。沾。涅氏。襄垣。

壺關。泫氏。高都。潞。猗氏。陽阿。穀遠。
河東郡二十四縣。安邑。大陽。猗氏。解。蒲坂。河北。

左邑。汾陰。聞喜。獲澤。端氏。臨汾。垣。皮氏。
長修。平陽。襄陵。彘。楊。北屈。蒲子。絳。

孤。驪。騏。
西河郡三十六縣。富昌。騶虞。鵠澤。平定。美稷。中陽。

樂街。徒經。阜狼。大成。廣田。園陰。益關。平周。
鴻門。蘭。宣武。千章。增山。園陽。廣衍。武車。

虎猛。離石。穀羅。饒。方利。博陵。隰成。臨水。
土軍。西都。平陸。陰山。鯢是。鹽官。

鴈門郡十四縣。

善無。沃陽。繁峙。中陵。陰館。樓煩。武州。

遼陶。

劇陽。淳。平城。埒。馬邑。強陰。

代郡十八縣。

桑乾。道人。當城。高折。馬城。班氏。延陵。

獮氏。

廣昌。且如。平邑。陽原。東安陽。參合。平舒。

代。

靈丘。鹵城。

雲中郡十一縣。

雲中。咸陽。陶陵。損陵。犢和。沙陵。

原陽。

河南。北與。武泉。陽壽。

定襄郡十二縣。

咸樂。桐過。都武。武進。襄陰。武卑。駱。

安陶。

武城。武安。定襄。復陸。

上谷郡十五縣。

沮陽。泉上。潘。軍都。居庸。離督。夷輿。

下落。

昌平。廣寧。涿麻。且居。蒺。女祁。寧。

漁陽郡十二縣。

漁陽。狐奴。路。雍奴。泉州。平谷。安樂。

厚奚。

犢平。要陽。白檀。滑鹽。

右北平郡十六縣。

十剛。無終。石城。延陵。俊靡。資。